



Concello de Vilaboa

CONVENIO DE COLABORACIÓN ENTRE O CONCELLO DE VILABOA E A A.C. COBRES, PARA A ORGANIZACIÓN DO ENTROIDO DE COBRES E GARANTIR A PERVIVENCIA DO GRUPO DE MÚSICA TRADICIONAL.

REUNIDOS:

Dunha parte, MARTÍN DUARTE RÍOS con DNI nº [REDACTED] como Presidente da ASOCIACIÓN CULTURAL DE COBRES (C.I.F.: G36128296), en diante a Asociación; entidade que xestiona e organiza do ENTROIDO DE COBRES e garante a pervivencia do grupo de música tradicional.

E doutra parte, CÉSAR POZA GONZÁLEZ, Alcalde do Concello de Vilaboa, en nome e representación do mesmo.

Asiste, Miguel Rodríguez de Vicente-Tutor, secretario da Corporación, aos únicos efectos de dar fe do acto.

Ámbalas partes interveñen nas representacións expresadas e recoñécense reciprocamente capacidade bastante para a formalización do presente Convenio, e a tal efecto,

1.- O Concello de Vilaboa, ó amparo do establecido no art. 25.1 da Lei 7/85 do 2 de abril, reguladora das Bases do Réxime Local, pode promover toda clase de actividades que contribúan a satisfacer as necesidades e aspiracións da Comunidade Veciñal. Ademais o art. 23 do Regulamento de Servizos das Corporacións Locais, sinala que as entidades locais poderán conceder subvencións a entidades, organismos ou particulares, cuxos servizos ou actividades complementen ou suplan os atribuídos á competencia local.

2.- O Concello de Vilaboa, mediante o presente Convenio de Colaboración coa Asociación busca acadar o seguinte obxectivo:

1. Funcionamento, no desenvolvemento das actividades docentes, das Asociacións/Entidade que en certas medidas teñan dentro dos seus obxectivos a formación musical, en calquera das súas vertentes, durante

Concello de Vilaboa

C/ Toural, 1, Vilaboa. 36141 (Pontevedra). Tfno. 986708215. Email: info@vilaboa.org





Concello de Vilaboa

o ano 2026.

2. Favorecer a continuidade das actividades da Asociación; fundada, como forma de manifestación cultural e artística claramente vencellada e arraigada ao longo do tempo á realidade da cultura de Vilaboa, sendo de xeito singular a única asociación cultural que co seu traballo mantén vivo o ENTROIDO DE COBRES para o desfrute posterior de toda a veciñanza. Por outra banda, propiciar o achegamento da cultura musical ao groso da poboación. A acción da Administración Municipal límitase a promover a actividade de formación e expresión musical que realiza a Asociación, a través da achega dunha contribución económica.

3.- A Asociación ven colaborando desde a súa creación co Concello de Vilaboa, coa realización do TRADICIONAL ENTROIDO DE COBRES, así como na participación en diversos concertos en festas de música e baile tradicional de carácter socio-cultural. A organización destas actividades que requiren da actuación do grupo de gaitas e baile da asociación, obxecto do presente Convenio, corresponden en exclusiva á Asociación, o que imposibilita a concorrencia con outras entidades.

4.- Unha vez incluído no presente Orzamento o outorgamento da achega directa á referida asociación, a xustificación posterior recollerá, para o abono do importe económico, todas as prescricións sinaladas, encamiñadas ao debido control e aplicación dos fondos públicos.

En base ao exposto, e considerando o sinalado no art. 72 da Lei 7/85 citada, que determina que as Corporacións Locais favorecerán o desenvolvemento das Asociacións para a defensa dos intereses xerais ou sectoriais dos veciños, facilitándolles a máis ampla información sobre as súas actividades e, dentro das súas posibilidades, o uso dos medios públicos e o acceso ás axudas económicas para a realización das súas actividades, e considerando tamén o sinalado no art. 111 do RDL 781/86 de 18 de abril, polo que se aproba o Texto Refundido das disposicións legais vixentes en materia de réxime local, pola que

Concello de Vilaboa

C/ Toural, 1, Vilaboa. 36141 (Pontevedra). Tfno. 986708215. Email: info@vilaboa.org





Concello de Vilaboa

as Entidades Locais poderán concertar os pactos ou condicións que teñan por conveniente, sempre que non sexan contrarios ao interese público, ao ordenamento xurídico e aos principios da boa administración, as partes acordan celebrar o presente Convenio de acordo coas seguintes ESTIPULACIÓNS:

PRIMEIRA. OBXECTO

O presente Convenio ten por obxecto regular a colaboración do Concello de Vilaboa e a Asociación para o fomento e sostemento do funcionamento do ENTROIDO DE COBRES.

É obxecto do presente Convenio establecer as condicións reguladoras da subvención directa que se outorga polo Concello de Vilaboa á Asociación, para facilitar o funcionamento da Asociación e así garantir a pervivencia do ENTROIDO DE COBRES e paralelamente o grupo de gaitas e baile da Asociación.

ACTIVIDADE SUBVENCIONADA E PERÍODO DE REALIZACIÓN

As actuacións da Asociación segundo o Convenio, consistirán única e exclusivamente na organización do TRADICIONAL ENTROIDO DE COBRES, así como garantir a pervivencia do seu grupo de gaitas e baile.

Así a acción do Concello non só consiste na promoción da actividade dunha entidade particular sen ánimo de lucro considerada de utilidade xeral a través da achega dunha contribución económica, senón tamén de facilitarlle as actuacións en eventos puntuais para poder expresar e divulgar ante cidadanía a expresión musical, inherente a unha vocación artística.

A subvención outórgase de conformidade coas disposicións da Lei 38/2003, de 17 de novembro, xeral de subvencións, Real Decreto 887/2006, Lei 9/2007, de 13 de xuño de subvencións de Galicia.

SEGUNDA. IMPORTE DA SUBVENCIÓN

Concello de Vilaboa

C/ Toural, 1, Vilaboa. 36141 (Pontevedra). Tfno. 986708215. Email: info@vilaboa.org





Concello de Vilaboa

O Concello de Vilaboa, comprométese a aportar como achega económica seguinte:

Exercicio	Aplicación orzamentaria	Importe
2026	334.48001	35.000,00 €

A subvención outorgada polo Concello é compatible con outras axudas, ingresos ou recursos públicos ou privados para a mesma finalidade, Neste caso, na xustificación da subvención deberá acreditarse o importe, procedencia e aplicacións dos fondos percibidos á actividade subvencionada.

O importe da subvención en ningún caso poderá ser de tal contía que, illadamente ou en concorrencia con subvencións ou axudas doutras administracións públicas ou doutros entes públicos ou privados, supere o custo total da actividade subvencionada.

TERCEIRA. OBRIGAS DO BENEFICIARIO

A Asociación comprométese a destinar a subvención ao desenvolvemento da actividade descrita e está obrigada a destacar en lugar preeminente a colaboración económica do Concello de Vilaboa, tanto nos libros, folletos, carteis, informacións, material e documentación en xeral, así como nos anuncios de difusión das actividades.

A Asociación ten a condición de organizadora e promotora exclusiva da actividade subvencionada, limitándose a colaboración do Concello a achega da subvención comprometida. Esta administración está eximida de calquera responsabilidade civil que poida derivarse da realización dos concertos.

A entidade beneficiaria poderá contratar os gastos que sexan necesarios para a realización por si mesma da actividade subvencionada, pero non poderá contratar con terceiros a execución total ou parcial da actividade para a que se outorga a subvención.

Concello de Vilaboa

C/ Toural, 1, Vilaboa. 36141 (Pontevedra). Tfno. 986708215. Email: info@vilaboa.org





Concello de Vilaboa

Segundo o disposto no art. 8 da Lei 10/2017, de 27 de decembro, de espectáculos públicos e actividades recreativas de Galicia, as persoas organizadoras de espectáculos públicos e actividades recreativas, deben contratar a póliza de responsabilidade civil, independentemente da que tamén teñan contratada as persoas titulares dos establecementos ou espazos abertos ao público onde se leven a cabo os espectáculos ou actividades recreativas.

Ao abeiro do disposto no art. 31 da Lei 38/2003, xeral de subvencións, cando o importe do gasto subvencionable contratado pola beneficiaria supere a contía de 15.000,00 €, deberán de solicitarse como mínimo 3 ofertas de diferentes provedores. A elección das ofertas presentadas, que deberán de achegarse no seu caso na xustificación, realizarase conforme a criterios de eficiencia e economía, no de elixir a oferta menos vantaxosa dende o punto de vista económico, deberá de xustificarse expresamente nunha memoria.

O art. 2 do Regulamento da Lei 38/2003, de 17 de novembro, Xeral de Subvencións (LXS), aprobado mediante Real Decreto 887/2006, de 21 de xullo (RXLS) establece que : "2.Se a normativa reguladora da subvención fixase a achega pública como un importe certo e sen referencia a unha porcentaxe ou fracción do custo total, entenderase que queda por conta do beneficiario a diferenza de financiamento necesario para a total execución da actividade subvencionada, debendo ser reintegrado en tal caso o financiamento público unicamente polo importe que superase o custo total da actividade".

De conformidade co art. 6.3 da Ordenanza de impulso do uso do galego no Concello de Vilaboa, as publicacións editadas por outras entidades, nas que colabore o Concello e que teñan difusión na Galicia, realizaranse en lingua galega. Para darlle cumprimento a isto, de habelos, nos acordos de colaboración, convocatorias de subvencións, contratos, etc., farase referencia a este requisito, así como o art. 7.3 de dita ordenanza, as campañas publicitarias e de promoción de actividades (cursos, xornadas, conferencias, festas, espectáculos, actividades deportivas, festivais, campionatos, etc.) doutras entidades nas que dalgún xeito colabore o Concello faranse, en todos

Concello de Vilaboa

C/ Toural, 1, Vilaboa. 36141 (Pontevedra). Tfno. 986708215. Email: info@vilaboa.org





Concello de Vilaboa

os soportes, en galego.

Faise constar expresamente que o persoal da Asociación, e de calquera das súas seccións, non ten ningún tipo de relación laboral co Concello de Vilaboa. Asumindo a mencionada Asociación a condición de entidade organizadora dos traballos xerados pola organización do ENTROIDO DE COBRES ou de calquera outra actividade das súas seccións de xeito que resulte aquela a entidade responsable do cumprimento das obrigas laborais e fiscais do persoal da ASOCIACIÓN; sen que a Administración Municipal teña vinculación profesional, laboral, contractual ou administrativa algunha nin responsabilidade ao respecto nin de abono de cantidade algunha para cubrir calquera risco, dano ou eventualidade.

CUARTA. POSIBILIDADE DE ANTICIPO

Cabe neste Convenio posibilidade de anticipo, sendo este non superior o 50% da axuda.

QUINTA. COMPROBACIÓN DAS SUBVENCÍONS

Para o seguimento das actuacións previstas e a solución de calquera controversia que xurda en canto á interpretación dos termos do presente Convenio, constitúese unha Comisión de Seguimento integrada polo alcalde/sa ou concelleiro/a no que delegue e persoa que ostente a presidencia da asociación.

No exercicio das funcións de fiscalización e control do destino dos fondos públicos a entidade beneficiaria facilitará tanta información lle sexa requirida polo Tribunal de Contas e polo Consello de Contas de Galicia. Neste senso, a súa actuación estará sometida á esixencia de responsabilidade contable nos termos e co alcance que determine, no seu caso, o axuizamento dos anteriores órganos.

SEXTA. GASTO SUBVENCIONABLE

Concello de Vilaboa

C/ Toural, 1, Vilaboa. 36141 (Pontevedra). Tfno. 986708215. Email: info@vilaboa.org





Concello de Vilaboa

Consideraranse gastos subvencionables aqueles que de maneira indubidable respondan á natureza da actividade subvencionada e se realicen con anterioridade á finalización do período de xustificación.

O IVE soportado, que deberá constar separado, será subvencionable cando o beneficiario non poida deducilo, recuperalo ou compensalo.

Os custes indirectos imputaranse á actividade subvencionada na parte que razoablemente corresponda e na medida en que estean relacionados de maneira inusitada e se realicen no período en que se desenvolva a actividade.

SÉTIMA. XUSTIFICACIÓN DA SUBVENCIONS

A realización da actividade e a xustificación da subvención terán que realizarse no ano 2026.

O procedemento rematará coa aprobación da conta xustificativa da subvención.

A entidade beneficiaria está obrigada a presentar a conta xustificativa da subvención, na sede electrónica do concello de Vilaboa (www.vilaboa.sedelectronica.es).

En todo caso, o prazo máximo para presentar esa xustificación será o de 15.12.2026. No caso de incumprimento do calendario das actividades acordadas e a súa xustificación ou a extinción do Convenio por causa distinta a expiración polo período de vixencia, tal e como establecen os arts. 50 e seguintes da Lei 40/2015 de Réxime Xurídico do Sector Público e os arts. 199.f) e g) da Lei 5/1997, do 22 de xullo, de Administración Local de Galicia, minorarase proporcionalmente a cantidade a percibir pola Asociación.

O tipo de xustificación será conta xustificativa con achega de xustificantes de gasto adaptada ao disposto no presente Convenio.

A documentación a presentar será a seguinte:

Concello de Vilaboa

C/ Toural, 1, Vilaboa. 36141 (Pontevedra). Tfno. 986708215. Email: info@vilaboa.org





Concello de Vilaboa

- Memoria detallada das actividades subvencionadas que deberá estar asinada.
- Xustificación documental do gasto que acredite o financiamento da actividade polo Concello de Vilaboa (folletos, dípticos, carteis..)
- Certificacións acreditativas de estar ao corrente coas Facendas estatal, autonómica e Seguridade Social.
- Relación desagregada de todos os gastos (con indicación das facturas, nóminas do profesorado, ou dos documentos xustificativos dos gastos).
- Declaración doutras subvencións recibidas para o mesmo fin e contía das mesmas, que en ningún caso poderá ser de tal contía que illadamente ou en concorrencia con outras subvencións ou axudas doutras Administracións Públicas ou outros entes públicos ou privados, supere o custo total da actividade a desenvolver polo beneficiario.
- Documentación xustificativa da subscripción do seguro de responsabilidade civil tal e como establece o art. 8 da Lei 10/2017.
- Declaración xurada do beneficiario que acredite que facturas que se presentan como xustificantes, foron aplicadas á actividade subvencionada.

As facturas xustificativas da subvención deberán cumprir os requisitos establecidos no Regulamento polo que se regulan as obrigas de facturación, aprobado polo Real Decreto 1619/2012, estarán datadas no período subvencionable e conterán o selo de pagado ou xustificación documental que acredite o seu pago.

Así mesmo, segundo a Lei 11/2021 de 29 de outubro, non poderán pagarse en efectivo as operacións de importe igual ou superior a 500,00 €, polo que, o pagamento destas operacións acreditarase co correspondente xustificante de transferencia bancaria.

Concello de Vilaboa

C/ Toural, 1, Vilaboa. 36141 (Pontevedra). Tfno. 986708215. Email: info@vilaboa.org





Concello de Vilaboa

O Concello xestionará o pagamento á beneficiaria polo importe da subvención outorgada ou resultante, trala entrega do informe final coa rendición da conta xustificativa.

OITAVA. VIXENCIA

O presente Convenio de colaboración entrará en vigor no intre da súa sinatura e terá unha vixencia limitada ao prazo establecido no punto 2. As actividades e xustificacións de gastos terán que referirse ao ano como período completo. O procedemento rematará coa resolución que aprobe a xustificación da subvención do Concello.

Serán causas de extinción deste Convenio a realización do seu obxecto, a inviabilidade da realización da actuación pretendida por causas non imputables ás partes, así como o incumprimento total ou parcial de calquera das súas cláusulas, mediando neste caso denuncia previa das partes asinantes.

E estando ámbalas partes de acordo co contido deste documento, proceden a asinalo no lugar e data sinalados.

Vilaboa marzo de 2026



Concello de Vilaboa

C/ Toural, 1, Vilaboa. 36141 (Pontevedra). Tfno. 986708215. Email: info@vilaboa.org

